



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

12. De Cognatione legali

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

& à praxi Magnatum, quam consuetudinem fanè non permetteret Ecclesia, si tales per Procuratorem patrini esse non possent, permetteret enim Baptismum solennem celebrare absque patrino.

TITULUS XII.

De Cognatione Legali.

Q. I. Quid sit & quotuplex adoptio, ex qua oriatur cognatio legalis? Resp. 1. Adoptio in genere definitur, quòd sit personæ extraneæ in filium vel nepotem legitima susceptio. Per personam extraneam intelligitur, quæ non est in potestate adoptantis, sive sit ex descendantibus ejus, sive aliàs consanguinea, nec ne; per *Ly legitima*, quòd debeat servari forma à LL. Civ. statuta §. 3. 4. 9. 10. Inst. L. 2. 24. 26. ff. L. 1. & fin. C. de Adoption. approbata à SS. Canonibus can. 1. & 5. caus. 30. q. 3. c. un. h. t.

Resp. 2. Adoptio est duplex: *perfecta*, quæ & *arrogatio* dicitur, est, quâ persona extranea, quæ sui juris est, rescripto Principis transit in potestatem & familiam adoptantis, ita, ut talis non minus ac filii naturales, hæres adoptantis necessarius ex Testamento in quarta parte bonorum fiat. §. 3. Inst. L. 2. C. de adoption. Adoptio *imperfecta*, *simplex*, seu *adoptio in specie* est actus legitimus, quo filiusfamilias, sub patris scilicet potestate constitutus, autoritate judicis infe-

D § rioris

rioris assumitur ita, ut non transeat in potestatem & familiam adoptantis, sed maneat in potestate sui patris, jus tamen succedendi intestato acquirat. Adoptioni in Germanicis est *unio prolium*, quæ tamen non personarum, quàm bonorum conjunctio. Pro legaliter cognato aut adoptato habetur non est juvenis, qui citra auctoritatem magistratûs & solennitates juris in ædes assumitur.

Q. 2. Quid sit & quotuplex cognatio legalis?

Resp. 1. Cognatio legalis est propinquitas personarum ex adoptione proveniens. Pater dicit hæc verba: Jure Ecclesiastico jus Civile habente.

*Resp. 2. Cognatio legalis tam ex adoptione perfecta, quàm imperfecta proveniens, est triplex. Prima in linea recta, inter adoptantem & adoptatum, & descendentes adoptati, si hi in potestate existant. *L. 55. ff. de ritu nuptiarum. Secunda Lateralis, seu in linea transversa inter adoptantem & filios, & alios descendentes adoptati; de quâ *c. 6. caus. 30. q. 3. c. un. h. t.* Fundatur in legali quadam affinitate ad finem affinitatis carnalis inter adoptantem & uxorem adoptati, & contra. *L. 14. ff. de ritu nuptiarum.***

*Q. 3. Ex qua adoptione oritur cognatio legalis dirimens matrimonium? Resp. Quod ex adoptione oritur, certum est *L. 14. & seq. ff. de ritu nuptiarum. c. un. h. t. c. 6. caus. 30. q. 3.**

oriatur ex adoptione specificè tali, negat Sanch. citans plures. *L. 7. D. 63. num. 9. Pirh. h. t. n. 3.* Ratio, quòd hæc adoptio non sit propriè & simpliciter talis, adeóque leges statuentes impedimentum cognationis legalis, utpote odiosæ sint refringendæ, neque extendendæ, nisi ad adoptionem propriè dictam. Deinde quòd hac ratione cesset periculum incontinentiæ inter cognatos legales, dum hi, cum non transeant in potestatem adoptantis, non habitant simul; quod periculum vitandum præcipuum fundamentum fuit, impediementi hujus ab Ecclesia approbandi. Econtra affirmant cum gloss. plures, inter quos Castrop, Ratio horum est, quòd licèt adoptio specificè sumpta sit minùs perfecta, sit tamen verè & propriè adoptio. *L. 14. ff. de ritu nuptiar.* Proinde cum textus utriusque juris, quibus hoc impedimentum asseritur, absolutè loquantur de adoptione, & de hac textus accipiendos esse, cum necesse non sit, hanc cognationem in omnibus assimilari cognationi carnali.

Q. 4. An & quæ cognatio ex tribus illis scil. ex cognatione legali in linea recta, collateralis, & affinitate legali dirimat matrimonium? Resp. Earum singulæ, utpote approbatæ à Jure Can. tum in Decreto, tum in hac rubrica, tum etiam specialibus capitulis v. g. *can. 1. caus. 30. q. 3. can. 6. ibid.* constituunt ejusmodi impedimentum dirimens, etiam de Jure Canonico.

Q. 5. Ad quos gradus se extendat impedimentum legalis cognationis, & quamdiu duret?

Resp. I.

Resp. 1. Nullo jure satis id est expressum; variant AA. In Jure Canonico cognationis *linea recta* non reperitur prohibitio alia matrimonii, nisi tantum inter adoptantem & adoptatum adeoque & inter filios vel filias, quos vel adoptatus in potestate patria habet. *can. 1. 30. q. 3. c. un. h. t.* Sunt tamen, qui cum D. Theop. cognationem legalem lineæ rectæ in ratione impedimenti se extendere, ajunt, indiscriminate ad omnes descendentes in infinitum, eo modo sic se extendat de Jure Civili, cognatio legalis à Jure Civ. inducta approbetur à SS. Canonibus. Impedimentum hoc lineæ rectæ quemcumque se gradum extendat, durat semper neque cessat per mortem adoptantis vel cognationem adoptati.

Resp. 2. Cognatio legalis in linea *transversa* præstat impedimentum matrimonio inter adoptantem & filios naturales adoptantis, & durat diu solum, quamdiu adoptio, quæ dissolvitur, durat. *L. 17. ff. de ritu nuptiar. c. un. h. t.*

Resp. 3. Cognatio legalis per modum *affinitatis* inducit impedimentum quidem perpetuum durans etiam soluta adoptione; aliqui vero dicunt, contrahi illud solum inter uxorem adoptantis cum adoptato, & inter uxorem adoptantis cum adoptante; alii ad modum affinitatis carnalis quartum gradum extendunt.